



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno CCCXLVII. ad annum CCCCI.

Parisiis, 1644

Secvnda Sirmiana Fidei Confessio & formula Arianorum, Ab Osio coacte
subscripta, haec est.

urn:nbn:de:hbz:466:1-15256

ANNO
CHRISTI
357.

esto. Si quis nolente Patre Filium genitum esse dicat, (non enim Pater coactus naturali necessitate Filium, quem noluit, genuit; sed statim ubi voluit, sine tempore & passione eum ex se genitum edidit) anathema esto. Si quis ingenitum, & sine origine Filium nominat eo animo, ut duo ingenta & inoriginata, & duos deos statuere velit, anathema esto. Caput enim & principium omnium Filius est. Caput vero & principium Christi Deus: ita enim ad vnum principium vniuersitatis nullo initio inchoatum, per Filium pie omnia reducimus. Iterumque exacte tradentes Christianismi sensum dicimus, si quis Christum Deum Filium Dei ante saecula, administrumque ad vniuersitatis opificium fuisse neget, sed ex quo tempore e Maria genitus est, Christum & Filium appellatum fuisse, & principium suae deitatis tum accepisse dicat, anathema esto.

SECUNDA SIRMIANA FIDEI CONFESSIO
& formula Arianorum,

Ab Osiro coacte subscripta, hæc est.

QVONIAM de fide placuerat disceptationem fieri, omnia cum sedulitate inquisita & examinata fuere Sirmii in praesentia Valentis, Ursacii, Germinii, ceterorumque omnium. Constitit ergo vnum esse Deum omnipotentem, sicuti in vniuerso orbe praedicatur, & vnum eius vnigenitum Filium, Dominum nostrum Iesum Christum, ex eo ante saecula genitum, duos tamen Deos non oportere dici, cum ipse Dominus de se locutus sit: *Vado ad Patrem meum, & Patrem vestrum, Deum meum & Deum vestrum.* ideoque omnium Deus habendus est, quem admodum Apostolus dixit: *An Iudaeorum tantummodo sit Deus, & non etiam gentium? certe & gentium, quoniam vnus est Deus, qui iustificabit circumcisionem ex fide, & praepitium per fidem:* & reliqua omnia consentiunt, & nullam prorsus habent ambiguitatem. Ceterum quia multos commouet vox, Latine quidem dicta substantia, Graece autem οὐσία, hoc est, ut diligentius cognoscatur, illud quod ὁμοούσιον aut ὁμοιοῦσιον dicitur, nullam earum vocum mentionem debere fieri, neque de iis sermocinandum in ecclesia cense-

Extat apud
Hilar. lib. de
Synod. vide
Baron. an.
357. n. 20.

mus, quod de iis nihil sit scriptum in sacris literis, & quod illa hominum intellectum & mentem transcendant, & quod nemo possit generationem Filii enarrare, quemadmodum scriptum est: *Generationem eius quis enarrabit?* Solum enim Patrem scire quomodo Filium suum genuerit, certum est. Nulli vero ambiguum, Patrem maiorem esse: neque est quod quisquam dubitet, Patrem honore, dignitate, deitate, atque adeo ipso nomine paterno maiorem esse, attestante præsertim ipso Filio: *Qui misit me Pater, maior me est*: & hoc ipsum catholicum est, & nemo ignorat duas esse personas Patris & Filii, ac proinde Patrem maiorem; Filium vero Patri cum omnibus, quæ illi Pater subiecit, subiectum esse, Patremque initium non habere, & inuisibilem, & immortalem, & liberum a passionibus esse: Filium vero ex Patre genitum esse, Deum ex Deo, lumen de lumine, eiusque generationem, quemadmodum superius dictum est, neminem scire nisi solum Patrem; ipsumque Filium Dominum nostrum & Deum, carnem siue corpus, hoc est, hominem e Maria virgine assumpsisse. Quemadmodum angelus prænantiauerat, & omnes scripturæ docent, & in primis ipse gentium Apostolus, hominem assumpsit Christus ex Maria Virgine, per quem passus est. Summa autem totius fidei, & firmamentum est, ut Trinitas semper retineatur, quemadmodum legimus in euangelio: *Abite & baptizate omnes gentes in nomine Patris, & Filii, & Spiritus sancti*. Numerus autem Trinitatis integer & perfectus est. Paracletus porro, nimirum sanctus, per Filium missus secundum euangelium venit, ut apostolos & omnes credentes erudiret & sanctificaret.

Act. 8.

Ioan. 14.

Matth. 18.

TERTIA SIRMIANA FIDEI CONFESSIO
anno 359. Sirmii coram Constantio edita,

Arimini a Valente recitata, Eusebio & Hypatio consulibus.

Extat apud
Athan. lib.
de Synod.
Socra. l. 1. c.
29. Baton.
an. 359. n. 9.

CREDIMVS in vnum solum & verum Deum Patrem omnipotentem, conditorem opificemque omnium: & in vnigenitum Filium Dei, ante omnia sæcula & initia, & ante omne tempus, quod in intellectum cadere potest, existentem, & ante omnem comprehensibilem substantiam

ANNO
CHRISTI
357.

ANNO
CHRISTI
357.